

詒
安
堂
二
集

詒安堂二集卷七

循陔草堂集上

上海王慶勲叔彝著

丙春往來海上塵氛逼人嗣以繼慈棄養例不得作韻語延至己春楊露耘諸君環以詩章酬和致忘馮婦下車之誚未歲霪雨爲災迫以議捐議賑恒在窮鄉僻壤中於此道遂多廢擋未免慚見騷壇而矣姑撮成集以旌吾過

槎上卽景

溪流分北郭老屋向南榮背日匿花影奔雲拖雨聲手書憑答客骨董試調羹何事能消倦枯棋戰一枰

題林健菴觀海圖卽送歸蜀

波光倒吸朝霞紅四圍雲影涵虛空魚龍奮舞老蛟立神
仙恍現金銀宮羨君甫自蜀江至扁舟破浪乘長風萬山
爭媚一枝筆壯遊直到滄溟東搖毫陡攝向若魄豪情直
厭鯨濤雄開眸幾疑宇宙狹更何渣滓藏胸中奇姿怪狀
靡不現乘槎畧與張騫同聞君胡爲弗留此慕然歸興偏
匆匆行籃須防三峽如撥圖奪取丹青工

題施友竹舅氏耕讀圖

士農各有真佳境夙願何時一一償事業正須安畎畝經
歲豈止託文章果誰處世心能足如此傳家澤自長我媿
風塵緣太擾田疇書味雨茫茫

寄六舟上人

滄浪亭畔曾飛錫明聖湖邊又著名硯北別開新境界香
南仍奉古先生吟來詩草都成偈悟後鶯花不礙情太息
萬緣何日了也參禪悅証空明

題曹海林丈三十年前真面目圖卽送之荆溪學博
任

落拓青衫三十年烟雲過眼總堪憐猶欣捧檄心能遂抵
得笙詩孝養虔

清福憑嘗苜蓿盤栽培忍負此孤寒紛紛熱宦成何味不
及籬堂一冷官

難忘粉榆舊酒徒此行踪迹太嫌孤願教攜取歡場景添
幅南園餞別圖諸同人公餞於也是園中

頓江送別圖爲蔣海珊囑題

容易驅歌檜客魂。深情猶向畫中存。
東風慣送人千里。南浦還叨酒一樽。
別夢頓添湖海濶。披圖空憶笑談溫。
題詩觸我懷人感。心寄吳江夜月痕。

圖爲周祖白所繪周余舊識也

題陳箴士竹裏彈琴圖

別把清涼世界開。此間飛不到。
塵埃閒憑鳳尾翛翛響。引出薰風一曲來。

江上數峯青未了。指邊流水去無聲。
此君不媿知音客。抵得牙期一段情。

贈家寅叔

眞許才華替左司。風塵豈惜少人知。
附來驥尾應容我。書

得蛾眉定入時歲月轉憐增夢幻情形妙不改書癡閒懷
同此難消遣賴有山窗酒一卮

束子良並寄令兄子英

笑罵文章筆有神酒懷慷慨總天真偶從舊雨聯新雨不
薄今人愛古人經濟畧堪徵翰墨才華原貴鍊風塵雙丁
聲價誠何愧珍重名場閱厯身

與子良夜話感賦

睂眼春風換歲華閒愁依舊感無涯姑容酒國謀長策能
守書田有幾家忠孝全憑心上地神仙也是鏡中花十年
擾擾車塵裏博得勞人兩字加

題李子固丈畫梅感作次子治丈韻

萬籟沉沉月滿林一雙瑤鶴杳難尋

李氏吾聞

生綃許館

東風影不負當年愛客心

子固尊翁苟香先生集

吾闌題詠爲春雪集

集

妙句吟來字字香甘將微骨試冰霜不須重說羅浮夢且

倚紅簫唱夕陽

時約作消寒會

和肖英夜不成寐韻

莫嘆文章不救貧冰霜過後有陽春浮踪慣作依劉客未

俗都稀說項人落拓終疑如玩世荒唐何礙續搜神

時君爲余

按見聞偶錄諸侯賓客誠非易敢誚年來入幕頻

附原作

楊 煙

海樣清愁水樣貧才華孤負此青春回頭早悟無生
法放眼偏多得意人十載風塵渾似夢一篇棠棣最

傷神綺袍雅誼君何似此後相逢不厭頻

同寅叔東墅允之勿之飲於棣華書屋

飛簾同尋舊日緣不妨談笑久流連
新篁園徧三弓地老樹遮成一綫天
開到嫣紅花似海酌來重碧酒如川比隣
好結雞豚社韻事還憑筆墨聯

答子良

田園無恙喜初歸回首名場計總非
高枕幸無詩作祟長堤又見柳成圍
十年京國渾如夢一片風沙尙涴衣叢竹
蕭蕭秋信早壺觴休負蟹螯肥

題陳且陶柳陰垂釣圖

黃金萬縷搓晴煙碧波渺渺涵無邊層鯨閒煞好身手一

竿點破琉璃天朝釣魚兮貴之柳暮釣魚兮更換酒覲破
烏紗是戲場且將鷗鷺攀爲友堪笑紛紛意氣飛誰逃世
網戀蓑衣柳枝盼斷青青眼徒讓魚兒自在肥

題家秋潭丈

城腹稿憶存詩後

君詩悉爲火燄此其追憶餘存者也

滿紙香霏墨采鮮阮亭詩派有真傳碎琴心迹誰能會彈
鋏生涯總可憐瓶罄孰貽從事酒硯荒渾似不毛田六丁
儘攬佳章去刲火難燒到九天

卷石山房圖爲經芳洲題

山房在經
氏宗祠旁

詩禮承先澤烝嘗永孝思恩難忘祖德福喜蔭孫枝樹爲
盤根大源還飲水知希文良法在敦本儘堪師

芳洲擬設
義田時余

高
家君命

散步至青蓮菴

曲徑人稀到藤蘿碧掩關鳥皆含樂意佛亦有歡顏雨細
烟雲潤風柔草木閒老僧相默對此處卽深山

呈張方伯詩舲丈

祥河

范韓勲業重儒林勵志猶嚴座右箴壽世早編經世稿出
山仍是在山心循聲久著文翁化轉盼還施傅說霖多少
覆盆冤盡雪任賢還慶

主恩深

閩江當日選球琳

君由部曹
典試閩江

鐵網真能獲

國琛才大不

嫌三事重身輕轉覺二毛侵爲栽花木開蘿徑儘許半求
叩竹林剛喜武功歸故里白頭舊雨更聯吟

謂姚春
木丈

和李吟香丈

之萼

七十自壽韻

詞安堂二集
卷之五
夜夜吟聲和夕春任他鄉曲喚書脩高懷不媿林泉友熱血難消塊壘胸筆底烟雲夢活相匣中劍鐸歛神鋒知心除却羊求訪三徑憑教碧草封

戎馬艱危境屢嘗金闕亭畔日相望一番棋劫逃能過兩地詩筒寄又忙垂幌不知花事了弄鏡惟待藥苗長卜隣倘許償前約白社還愁拒酒狂

書劍無須慨轉蓬清遊早徧浙西東自登閩嶠詩尤壯果愛揚州月不同伏處更誰知老驥倦飛從此作歸鴻久經悟出升沉理得失何心繫塞翁

橫沔

屬浦東界

明湖新雨後碧漲釣魚磯春去桃纔放風搖麥正肥歸雲

千樹冷隔岸一帆飛漁艇渾無事都來蕩夕暉

舟泊六竈鎮欲訪傅星槎昆仲不果

垂楊影裏泊孤舟空釣相思月一鉤滄海潮回聲逼枕碧天雲淨氣如秋豪吟曾訂看山約小別還期載酒遊奈是歸心留不住未容閒訪讀書樓

白蓮涇舟夜

銀河微現影聒耳盡秋聲潮信隨風健星芒閃樹明邨醪姑寫興土阜半無名泊棹知何處漁燈點點橫

束子蔭

屋已東西判才違上下分光陰澆濁酒心血鑄雄文龍尾尊名士猪肝仗使君讀書真有福豈羨出山雲

續讀元遺山詩

忍笑偷顏惜此身中原文獻仗繫臣畫圖空繫家山想薇
蕨終非故國春心迹畧堪存野史頭銜無奈署遺民除教
追步陶元亮異代同心有幾人

答姚春木建木兩丈

不獨詩無敵文章並軼羣聲名滿湖海事業踵機雲白首
情相洽青山福共分兄羅佳子弟蘭芷鬱奇芬

送春

柳花如絮撲簾飛欲挽春光不放歸未肯殘紅輕掃去奚
奴也解惜芳菲

小坐詣安堂

驕徹池塘雨溪流沒舊痕將詩消日晷有酒妥花魂簾捲
樹窺牖展喧客到門莫嫌清興少風景似江柳

大境卽自

新水迢迢綠進城向誰打槳渡頭迎朱闌碧檻銷沉盡孤
負東風一片情

碧陰如幄護簾旌猶費黃鸝百鶯聲落盡桃花飛却絮風
斜雨細又清明

東聽濤丈

經時雙屐阻前溪恰有新詩待品題楊柳檻前才合抱桃
花簾外乍開齊酒因初熟樽常滿棋不輕彈手恐低寫幅
湖山懸四壁臥遊真箇極幽棲

立夏前一日卽席作

滿院濃抽草木新酒杯忍負此芳辰
鶯花雖好光陰換明日尋香不筭春

吳淞卽事

血漬弓刀浪拍天風翻旗鼓月沉烟人言楊業真名將誰
縱孫恩號水仙未有奇功標靖海重煩聖慮飭籌邊勦
聲湧上袁公壘折戰沉沙又幾年

附和作

洪恩炤紫英

夜色蕭森月滿天落帆風正靜秋烟蕪城感賦鮑明
遠豪筑悲歌李謫仙好事已沉流水裏忠魂猶繞戰
場邊僕申檢讀如山令曾觀車容在昔年

海上雜感東孫復生總戎

抱得屠鯨志皎宮踏浪來龍鱗森島嶼
昏于霧潮聲疾似雷木華曾有賦休負濟川才
高挂蒲帆去憑誇汗漫遊何人纓早請媿我筆難投身手
男兒好烽烟壯士羞孫家兵法在儒雅更風流

天后宮

滔滔風捲浪花腥廟貌巍然肅典型軼事尙堪搜野史慈
情誰不仗神靈蛟宮威鎮波濤惡螭陞名標俎豆馨尤願
鯨氛從此翦香烟永繞暮山青

渡海至崇明

神魚噴浪高於屋風捲檣颶柔似軸山堆墨瀆天倒垂蛟

龍隱隱船邊伏我生豪邁本性成到此肯教形瑟縮開眸
轉覺胸懷寬雄壽淘盡愁千斛回首名輜利鏹塲紛紛何
異悲蟹觸波聲洶洶飲愈豪興來還把奇詩讀更與船頭
奠一卮茫茫何處尋徐福

十激

浩渺東溟浪接天三沙橫起已千年海舟但藉帆爲檣漁
戶全憑水作田共訝客來瀛島外始知春在酒旗邊腥風
吹滿蛟人市爭說魚蝦味最鮮

蝦漂激

恰喜東風順輕裘只載書價喧五色市聲沸隻輪車地僻
民情儉天晴客興舒渾忘來海外夢又結樵漁

月夜觀潮

聖風忽起陣如虎浪擊船頭似戰鼓萬道銀光簇湧來直
疑倒射錢王弩我時方臥蓬窗中驚到扶胥大海東老魚
高躍龍欲舞玉輪推出水晶宮是水是月兩難辨匹練分
飛明鏡裂搖破琉璃入混茫乾坤都已包冰雪笑我扁舟
慣往還萍踪幸久熟青山今宵暮入冰壺裏海伯聞之亦
解顏祇恨題詩少奇語孤負姮娥相送處西望吳淞不敢
眠還愁鄉夢隨潮去

崇川書感

蜃氣微茫一髮中瀛洲原許片帆通細流敢比層波碧烈
火終輸曉日紅容有雄才堪作賦須知健翮要培鳳樓船

勲業非難繼橫海何人策大功

愁聽寒潮日夜流早知世界等浮沤韜鈴誰果窺龍豹烽燧無端駭鷺鷗枉說三章嚴約法

謂徐公事偏驚六月尚披裘

時天氣甚寒鯉生豪氣消難盡還向樽前憶壯遊

柬王雨山太守孫蘭谿明府

香火因緣聚欣逢海外來胸懷千古接風雨一尊開地僻憐民俗時艱仗吏才醉譚慷慨甚渾忘漏聲催

子晉原仙品興公亦故人

余昔居南翔號館時蘭翁曾蒞治其地

名皆登治

譖我轉愧勞薪馬足塵難息龍頭譽共珍願儲舟楫用休資濟時身

校金梅岑丈遺詩有感

春滿芹香館

南園芹香館爲君慕建

仙遊竟不歸名流情自重才子

壽偏稀黯淡花三徑蒼涼柳十圍誅茅空有願未息漢陰

機館

中有息

機山房額

手定名山業如何未殺青詞華凌庚信酒胆壓劉伶舊事渾如夢新詩尚在屏開編三嘆息燈影黯於星

綠葭浜舟次

露氣清如洗煙痕淡不收早潮三百里作勢送扁舟雲水幽人夢波濤估客愁風帆吹正飽扶醉過吳頭

同高蘭翹陳硯香飲於虎阜

客意如春意相逢倍藹然掃除塵外想來結靜中緣一壘擣斜照滿林熾暮烟舉杯詩興闊欲喚李青蓮

畫舫隨波至燈光爛一湖簫聲攬月起花影隔窗扶白髮
尊名士青山戀酒徒臨行還訂約好景莫教孤

夜泊八尺鎮

五月松陵路渾疑是早秋借詩聊寫景沽酒不驅愁樹點
煙中寺燈涼水上樓行程憑緩急隨處可勾留

平波臺謁元真子祠

萬頃煙波一畫船達人身世自能全蘆花淺水仍無恙箬
笠輕蓑別有緣除却神仙難位置獨於鷓鴣肯周旋寒泉
秋菊從客薦我爲風塵轉自憐

題平波臺壁

爲愛看山特放舟憑欄頓覺豁雙眸茫茫春水連天湧歷

歷征帆向日收吳越詩材羅四壁烟波事業炳千秋
中祀元真

子隔蘆隱隱閑漁唱還羨當年雅韻留

陳硯香參軍招飲

金闕亭畔水迢迢賴共琴樽慰寂寥結得園林開白社招來風月鬥紅簫酒懷憒被湖山惹綺夢惟將翰墨消泥飲忍辭深夜醉海棠還恐太無聊

贈高蘭翹丈

四十年前二十三大自嘲句聲華何止徧江南胸羅泰岱詩能繪材歷風霜味盡諳不信此翁真叟鑠果然無技不包涵雞壇牛耳憑君執刻楮生涯我轉慚

前門塘鎮爲風雨所阻

題徐湘波風木槍懷圖

誘人何必印懸肘菽水先須安白首親年苦短兒方長何忍光陰付奔走待得酸心墓上歸從前缺憾難追咎徐君示我風木圖哀音寫入丹青手滌滌寒雲慘不飛松楸滿紙如悲吼當日偏傷易別離今朝有米因誰負血淚濃攏墨瀋淋可憐空抱斯圖守寄語勞勞車馬人猛思堂上年華否

禽張小石

莫厭旁人喚酒徒豪情我亦未能無本來風氣華胥好韻

事重添主客圖

樂如私語載有海鹽丞某簡傲不羈嘗謂一鄉大夫彼此相對酣睡竟日不交一言

趙子固謂此二人大有華

胥風氣爲作圖張之坐右

筆硯生涯要乞靈待編吳越兩山亭江南名士知多少寄語廉夫戶莫高

楊廉夫撰吳越兩山亭志江南吟詩者約數百人各執金繪乞楊留選近有詩話之

離故

及之

瞿小春屬題笑春圖卽用卷中錢叔美丈韻

天桃噴艷紛如雨錦簇香團引遊女燕燕鶯鶯不住啼分明替訴花神語露香園子黃泥牆

吾鄉桃花以露香園黃泥牆爲最盛

紅霞

萬朵浮春光春光爛熳深似海仙源不隔波茫茫望達橋

邊阿儂住

望達橋在南門外離故居僅半里許

年年看盡花半樹倘肯攜樽

出郭來請將春色平分去

蕉館吟秋圖爲艾靜洲題

風戰疏林葉敗落雁聲穿雲雲欲搏做成秋境滿乾坤蕭

森如赴詩人約詩人氣本得秋多一片蒼涼繫薜蘿
蟲聲催唧唧商音還自發蘭歌舞妙更容誰按拍秋聲吟
聲互絡繹真氣突將戶牖驚筆光怒鬱寒燈碧是時吟興
不可擋此際秋懷似海寬憑將熱血毫端吮揩盡西風萬
斛酸我本年來愁易釀不爲悲秋亦惆悵題罷君圖酒正
濃舉杯轉覺心開曠

贈張問秋丈

朝桂

卽題其養拙居詩稿後

廿年彈冷伯牙琴但許茅齋擁鼻吟定遠空懷投筆志終
軍漸淡請纓心原知文字難爭命敢信江湖有賞音故紙
堆中消歲月不妨門外喚書淫

年華六十恰平頭勸扇家家畫陸游用世無妨兼讀律揮

毫誰信最工愁看人容易營三窟事爭思借一籌漫作
西風搖落感名山功早定千秋

東陽肖英

烹愁煮夢感如何風雨聲中但囀歌世態早緣爲寄悟詩
心容易被秋磨難除酒癖非關累貪守書癡亦是廢同學
少年都不賤成句又傳佳信到岩阿謂錢少鵠雷蘿峯

梁溪溫容成茂才雲臥題其孺人鄒蘊珠女史蕙
貞慎餘齋遺詩後

鉛華洗盡出天真瑤相瓊思別有神吟到清光如此夜集如此夜之句果然明月是前身

麗景曾經記板橋舊遊踪迹筆能描簾前山色青如許還

對斜陽詠六朝

令祖此山先生司鐸金陵故集中白門詩極多

幼婦真成絕妙詞左芬才調未參差蒼涼心事誰能會猶
恐秋蘆不盡知

集中有蒼涼心事荻花知之句

合歡花變斷腸花淚搘青袍緒似麻誰料香銷鴛錦日殢
人殘夢尙天涯

容成出遊日多孺人亡時適值遠客楚北

誌地震事

地姪忽作奇文章憑空靡盪恣翔翔不顧生人幾駭絕但
隨手筆時低昂就中風伯亦助興飛沙走礫情尤狂坐令
天公神色變衆星慘淡收光芒此際閭閻萬井竈隄如生
足走且僵滿城雞犬盡嗥動飛昇幾訝隨劉綱豈止紛紛
男婦輩心驚魄悸摧肝腸牆傾屋圯尙餘事山川亦被推

擠忙此象何殊磨旋轉霎時位易東西方蒼蒼猶是地改
向不知境已更平何鄉或言鰲背負重久偶畧展動情何
傷豈圖大地悉震恐頓教災變驚非常乃知靜極忽思動
禍機往往由此倡天下事原同一理好奇不若仍守常我
勸地媼姑歛筆行文休再誇鋪張

南園卽事

竹影參差石逕斜層樓俯控萬人家綠肥涼雨抽蕉葉紅
展香風送藕花樹古尚憐名士宅舊爲曹綠岩先生別墅圃荒難覓
故侯瓜此間清絕堪逃暑毋戰何妨酒興加

莎涇與中卽目

沿路輕風送籃輿暑不侵柳凹三面水樹鬱一隄陰野淵

天如立橋危岸欲沉最憐林外鳥淒婉有餘音

禽吉雲

草草光陰太覺忙書生結習詎容忘醉中眞率君能恕愁
裏酸鹹我慣嘗未免雌聲慚藝苑難爭雄伯到名場願教
珍重屠龍手不負仙才到玉堂

秋懷次肖英韻

陡訝吳淞戰陣開城頭鼓角至今哀談兵敢謂懸河口籌
筆空煩濟世才萬里妖魔流毒遠一天風鶴送愁來罪言
曾效樊川擬肯使丹心隱隱灰

英雄成敗且休論豈爲悲秋洒淚痕大吏那容疏將畧好
官原不負君恩漫嗟身世如棋劫莫忘隄防到海門誰

謂杜陵詩筆變總緣慷慨志猶存

錢吉雲於南園

秋風吹作別離聲把酒難禁百感生雞黍莫忘他日約林
泉休負故園情何人豪氣干金擲儘爾高談四座驚不愧
凌雲誇健筆詩懷堪副玉堂清

贈李吟香丈

愁絕空山處士家江湖迢遞易天涯閒雲一出風爲主舊
雨重逢鬢漸華優孟衣冠憑世愛宛陵詩句有人誇元龍
意氣何曾減愧我才難門八叉

題周太僕祠

肯以冥勤死千秋廟食宜賢良真不愧科目未爲奇吏治

酬 心簡官聲紀口碑浪花堆似雪彷彿展靈旗

浩渺吳淞水常流太守清智能驅木隸恩早浹芸生成鎮
波濤壯名垂竹帛榮
兩朝功烈在憑弔不勝情

題贈蔣劍人

敦復

嘯古堂詩後

直衍梅柳派驚才孰賞音佛仙參慧業湖海固閒心不盡
中年感如聞小雅吟香薰絲繡好誰解服膺深
竟與焦桐匹空憐爨下音酒蒸名士淚秋寫美人心天地
蒼茫慨河山寂寞吟孟韓如遇合傾倒自情深

會張遜亭

佳梅

絕世聰明絕妙辭名場難得竟同時那須縱酒纔紓懷
君喜飲聊借悲秋且賦詩品格漫疑將俗倣才華轉恐被人知

君詩不襟懷高潔情溫厚抵得遺山與牧之
輕示人

卽事

敢信鯨波靖海隅須知小醜亦堪虞
樓船徒耀軍威壯鄉社還憑士氣粗
未必神兵能保障豈容寬政及萑苻
書生空有籌邊策畢竟燒槍掃得無

和朱蔭庭廣文

鳳笙卽事有作韻

莽莽乾坤歲月更依然蠻觸未能平
劍鋒誰搗羣魔穴時廣
艇盜匪嘯聚南漁山星彩空瞻大將營
忍負君恩山岳重可憐民命羽毛輕
書生心計將軍胆何日真看斬巨鯨

原作

朱鳳笙

說到滄桑幾變更海波今日正難平空言粉飾兵防

策虛費糧儲水陸營弭盜計無爲盜巧安民要在累
民輕將軍李廣殊同調謂李忠烈公白日長驅碧海鯨

夏日蘭言室作

火雲壓欲飛陡被竹攔住清風款款來悄向書堂赴涼意
襲衣襟如把詩情助老樹蔭森森亦似將人護炎官雖有
權威不到此處何必消夏灣卽此澄萬慮

題賞菊圖

冷淡生涯別有情賞心難得遇淵明不須過傲風霜品尙
恐梅花與爾爭

題木雞書屋集卽寄黃鶴樓丈

金臺

湖海蒼茫氣自豪此太端不媿風騷英雄老去憐猿背斜

第新看屬鳳毛

謂令似唐山孝廉

文社共推斑管健詩成還壓陣

雲高

壬辰紀事

諸樂府

半生早定名山業漫向青天首更搔

府直逼少陵

夢花橋舟次

嵐氣昏如雨風聲冷變秋烟波饒逸興詩酒足清遊客夢
繁千里生涯付一舟祇憐佳句少孤負管城侯

鶴樓丈書來詢及近况詩以畱之

仰屋年年費苦吟一腔熱血裏愁深談兵敢詔封侯骨

年來

海盜肆劫邑中人添募水

勇協兵防剿頗有成效

轉漕同殷捧日心

承領海運各船商皆蒙

入獎有故人來拌賭酒無知已到莫彈琴私懷但祝樓船帥

及早鯨鯢一戰擒

同賈雲階明經舟中話雨感事有作卽次其韻

驢背船唇苦未休又吟詩句紀官郵
擣撻敢羨凌霄鶴飄泊眞同狎浪鷗萬頃烟波勞遠夢幾番風雨逼殘秋漫將豪氣元龍比愁聽寒潮日夜流

蜃毒如何未廓清須知孤掌本難鳴狼奔豕突千年恨地老天荒一劍橫空有文章排衆議最難草野頌循聲小園敢與蘭成擬祇媿牢騷易不平

原作

賈履上

纔從江上賦歸休又卸山郵換水郵已分功名同腐鼠不解身世託閒鷗青林紅樹爭迎客暝雨孤燈急送秋却憶昨宵看月好蓬窗涼霧繞寒流

襍被聯吟意興清劇談世事劍空鳴民情動與官情

拂舟至七寶鎮值婁邑
糧差爲鄉民所閼

雨氣長

連海氣橫

積潦告災

海氛又復

不 啟雁未全安宅計

江北飢民分養在境

啼鴉旋作警寒聲羨

君穩臥桂溪上好學當年向子平

題賓寄上人詩草

一蒲團徹去來今儘掩禪關費苦吟句法圓參諸佛相詞

源妙証碩儒心

上人本名孝廉不得已棄家

烟雲且任隨時幻花鳥都

關寓意深嬾可瘦權多舊雨

謂青雨六舟爾上人

又從蓮社識球琳

金闇旅夜

寒威真刺骨賴有酒能支月淡形疑凍宵長漏益遲隱增

遊子感閒答故人詩

時適接吉雲子良秋浦信

窗外篙聲急知將泊棹

時

東蔣海珊

暫容豪氣歛江湖斗室蕭然靜擁爐排日徐將詩債贖經
旬差免酒狂呼余戒飲已閱一月矣只除泉石無他好賴有琴書可
自娛聞道早梅開正盛閒情能賽孟郊無

題鍾訪梅畫

庭院無人長綠苔秋聲移上畫堂來孤寒誰似黃花耐不
到重陽不肯開

寄甘峻岩

一櫂隨潮返挑燈喜乍迴月仍前度好笛洗舊音哀詩夢
鷗分去新秋雁帶來木樨香正吐樽酒願相陪

冬日卽興

遠樹晴逾碧寒花冷不紅雁聲酸入夢雲影健馳風閒緒
難冰釋生涯仗火攻閉門良有味何用卜窮通

同朱友三崧塘夜泊感賦

聊醉他鄉酒蓬窗共一燈天寒山月小風緊夜潮增行役
真如慣偷閒苦未能海氣何日息將畧恐難憑

贈張秋浦

落拓生涯硯作田幾時真箇遇豐年并無驥尾容相附誰
顧蛾眉祇自憐悶倩琴書消永晝冷攀風月結良緣滿腔
心事從何訴呵壁空煩屢問天

和李筱英離尹都中留別韻

重把西湖舊興邀官清也要福能銷雅懷應許東坡並熟

念羞依北斗遙夢影冷回

溫室樹

君以通政司經
厯改就外官詩心

雄壓浙江潮使君到日春剛艷竹馬青分柳萬條

那須得失感雞蟲孤負才華賦九宮月鍊清愁歸鳳管劍沉豪氣老猿公人來烏帽黃塵外簿飲丹山碧澗中料得江神欣識面挂帆高送吉祥風

豈必詩名讓早朝置身偏未許三霄君非花樣輸今日我

轉冰銜媿此條衡鼓鑾天撩遠夢

尊甫瀛門丈時爲黔省思州太守羹湯

新婦試初調宦途本是波瀾濶不繫舟憑一葉飄

尹文端公于兩

江節署建一亭顏曰不繫舟蓋寓言宦迹無定特借義於南華經云

舊事迷淒不可思電光石火感當時情深壻水兒憑寄

長公

子時寄養於君信冷仙山淚自知後義不再娶方冀烟外家山西溫氏

霞容畧享偏教風雨贈將離不妨小試經綸手襟抱何曾
異敢期

儘搜詩料付征鞍此去清爭越水寒轍迹幸容他日合

時余

浙江將投効官聲何必古人難文章屈價名仍重

君八試北闈

袍笏

登場興未闌花柳六橋情似昔任將身作樂天看

談兵空詡策如神同是書生閱歷身

時上海設有捕盜局君適奉委至滬遂同

籌門戶難融窺管見樓船誰號枕戈人且嘗宦海千般味

分守孤山一段春酒趣餘杭應自好休言輸與季鷹莼

題李淡菴樹深詩卷南翔人

寥落難禁感慨歌知心賴有酒人過

謂雷約軒諸君

那須絹海膠

山比但在流傳不在多

浪迹風塵孰賞音閒懷空自費沉吟是誰絲繡香薰者不
嬈憐才一片心

春雪集爲李卽卿姑夫題

曲曲紅欄老樹扶梅花寫入早春圖祇憐酒散人如夢寄
語東風感慨無

伊誰妙手擅陽春老輩風流筆有神細數樽前舊詩侶詠

花猶有白頭人謂瞿子治丈

柬趙二川

弄罷桓伊角宵深尙倚樓朔風沉畫角寒雨急殘秋捧檄
曾無意垂綸正待謀雁聲飛不定酸逼荻花洲

與泉孫夜話

事慣熱腸做人偏冷眼看微名羞狗監薄俗吝猜肝書枉
五車熟心灰一劍寒深談增感慨渾忘漏將闌

詒安堂二集卷八

循陔草堂集下卷

上海王慶勲叔彝著

己酉元旦和楊露耘丈韻

特地柴門爲客開東風暗送好春來纏綿詩思如抽蘭深
淺韶光欲問梅蠶窟差欣妖霧息蛇山新唱凱歌回時崇
面盜艇爲水勇湖維榮明洋
擊沉數隻悉已南竄團樂莫忘昇平樂珍重題牋賭酒才

和露翁新正五日作

一路笙歌雜爆聲家家紅燭影縱橫財神權大爭趨媚詩
客心閒厭送迎致富書中良有術寄人籬下豈無情薰心
不盡金銀氣笑語喧還擾夢清

人日次曹丈楠岑韻

愧無佳句答詩人
花事初開百五辰
香氣漸催梅萼綻
晴光分照麥苗勻
掃除妄念思禪悅
收歛雄心養谷神
最愛南榮紅日近
曉風吹暖小堂春

白燕詩和露翁韻

堪比仙胎品絕倫
任呼明月証前身
畧摹玉宇繁華影
不厭瓊樓寂寞春
絮語已超諸色界
雕梁何媿素心人
水晶簾下誰閒看好
晚銀毫替寫神

辛苦營巢又幾秋
羽毛贏得雪霜留
潔身不礙棲朱戶
比翼真看到白頭
縞袂正應時作伴
烏衣還爲爾增羞
倘教飛入梅花裏
絕勝仙魂化蝶遊

月夜感賦

明月依然照樹頭那堪往事憶從前名場久已成孤注塵
海難禁負壯年屈指故人疏似夢回頭陳迹渺于烟東風
轉覺多情甚吹放庭花益可憐

曉渡黃浦

客思雲千狀春寒夢一城腥風吹有力蠻語寂無聲水闊
帆疑挂天空氣益清紅霞纔破曉人在鏡中行

金楠岑丈次露翁韻

高山流水幾知音閒煞先生淡泊心且共步兵謀痛飲漫
隨杜老作愁吟豪情空躍牀頭劍知已誰憐爨下琴猶有
兒時滋味在青燈影護紙窗深

聽松圖爲李艇淞題

磨盡風霜不受欺青青直到歲寒時質心誰是陶元亮寫照還逢顧凱之祇覺胸中天籍足肯求世上俗人知大材莫悵空山老會看龍鱗變化奇

獨遊南園遲甘峻巖趙元卿不至

爲愛園林趣支筇獨往還孤松擇峭壁一磬靜空山春入波痕活風攬鳥語閒美人期不至只在白雲間

河東君像

依然瘦影倚樓東往事徒懸想像中千古風流紅豆刦兩朝人物黑頭公禦泥易爲憐才誤蓮性懸知入道空縱有苦心難畫出菱花鏡裏笑英雄

河東君遺妝鏡流傳於世鏡背有詩有官看整巾飾

委倚點妝

成之句

來夢亭話雨圖

沈丈夢塘客閩時適陸太守萊載師爲閩令築亭
居之頗曰來夢繪圖紀事夢翁首唱四詩吾師及
諸名流題和殆徧洵佳話也今夢翁久歸道山卽
距吾師之歿亦將十稔矣令子仲貽茂才出是圖
囑題敬次原韻聊誌酒鑪之感梁木之悲而已時
道光己酉暮春慶勲謹識

好風吹聚雨浮萍哭兀天南見此亭剪燭互憐秋鬢白揮
毫豈願俗眸青主投井轄飛吟蓋客和琴絃傷訟廳廿載
巢痕猶在眼披圖重感隕文星

修書東越擅才能快意終輸餅裏綾尙累公車倘計更可
堪隻履促歸僧雲移獅座迴征旆花點輶江炮慧燈叢桂
欲留留不住每繙遺集涕難勝丈有東越修書圖又
有叢桂山房初續稿

樽前舊夢太惺忪豈止蓬山隔萬重家君昔招丈飲
必命熟兄弟見宦境

頓教悲鵬鳥山頭猶自綰芙蓉村籠空冀傳衣鉢心淡何
曾艷鼎鐘想見聯吟亭子裏詩情諧似玉丁冬

披圖倍覺惹愁思薄技曾叨老輩知少時曾以詩草
相贊頗蒙獎飾捧墨
難禁憐分淺軀衣猶幸未生涯早經詩價騰人口不待茅
堂累友賛滿卷筆花飛爍爛騎鯨人奈去多時

雨中過七佛閣

一磬遙沉細雨中扶筇來訪梵王宮松間樓閣參差兒徑

外閣千屈曲通好爲蓮花來結社初栽柳樹已招風晚晴似欲催詩興閒露斜陽一抹紅

晚過唯亭

渺渺烟波濶中流自在行帆撐風力健燈閃市心明野色昏
子墨星光皓似晶蘭陵新釀好扶醉寫詩情

舟中與朱友三甘峻岩昆仲夜話

未能無客感對酒且高歌熱血何曾少同心豈在多襟懷空惆悵歲月慣蹉跎太息文章事青衫忒耐磨

重遊穹窿山

嵐影蒼茫裏琳宮萬戶闊真靈圖位業金碧燦樓臺樂奏天邊曲松鳴磽底雷山山青似昔應識客重來

林漸湖光白雲分石氣青遠峯含夕照新竹擁孤亭地僻
春先到年深樹亦靈流泉聲瀟瀟好在靜中聽

勝侶攜羣玉因之感舊時休文壁間句謂沈曉湖上舍靈運夢中

詩堂弟

小劫烟霞變

前年火燄道房五十餘間

浮生歲月馳結茅良

有願商畧買山貲

遊茅蓬諸勝

一徑扶筇來穿破濃陰綠嵐翠撲衣涼曉色滉青玉薄霧
散空林奔泉喧澗曲同遊清興多賈勇窮崖谷危石插半
天苔滑不容足身欲與之齊心已怯遙囁樵子斧丁丁爛
腰雲亂束各暢此胸襟我亦忘迫促宛轉學螺旋浮嵐互
斷續細雨漫空吹歸心急童僕隱隱洞簫聲詩心忽感觸

聽吳少山道士彈琴卽次原韻

空山何寂寂雅趣樞瑞琴自寫幽人興如聞太古音心隨
流水遠秋天碧雲深領取清閒味風泉淡素襟

同峻巖旦雲遊銅井諸山飯於還元閣中

春氣盈空山處處明花柳偶坐篠輿來還挈林泉友巒翠
擁高低香風送前後山僧飯客忙野餾佐清酒讀書更談
詩禪心細分割窮幽不厭勞甘爲煙鬟誘才從松隙穿又
向雲中走日影烘衣煖石氣塞空厚極目水雲邊斜陽淹
谷口遙指六浮閣長蘅信名手溪山雅可人開士獨消受
更約梅花時來聽鯨魚吼

石壁精舍次春水丈韻

水綠渟雲外山青落鏡中石光寒竹雨湖氣咽松風天地
浮蒼莽輕帆度碧空老僧惟面壁應許慧緣通

司徒廟古柏行

無邊黑色蒸晴空日光顆顆煙濛濛紅牆百尺鎖不住吼
聲怒捲長天風一株宛似瘦蛟立霜皮剝盡苔紋裂一株
欲學神龍飛虬枝直借雲爲衣猶有兩株更奇崛一作縱
橫一盤屈夭矯輪囷千百年不藉春光白葱鬱偃臥同經
歲月深斧斤不受樵人侵倘非神靈暗呵護偉觀安得傳
於今噫吁嚱奇材莫惜虛梁棟森森久醒繁華夢任詔人
間劫火多雷霆自避此巖洞

光福虎山橋

吹入東風緩遙天忽變晴萬家山色裏一塔夕陽擎巖翠
橫空冷湖波澈底清荆關好圖畫處處有詩情

移石居贈陸采山道士

小住烟霞窟宵來夢亦閒彈琴招白鶴釀酒揖青山淪水
通花徑呼雲護石關勞勞塵俗念到此一齊刪

肩輿自來鶴應遊天平法螺寒山支硎之勝還憩吾

與菴

山靈劇有情峯峯似含笑孤棹沿溪行探勝還呼轎春意
媚遊人烟鬟逞奇妙出入雲氣中四顧恣遐眺風兜壑底
來吼若虎長嘯極目萬頃波水雲浸斜照青山量實容儘

人竊詩料

萬笏插霄漢靈境原天生流泉分上下石屋雲邊橫巖翠
滴不止一路喧松聲老樹互遮蔽秀氣蒸佳城憂樂在天
下公豈循虛聲儒者須學此纔是眞書生

樹色綠參天石齒粲於雪花光紅欲然正值芳菲節潭水
清照人鬚眉亦澄澈瘦蛟何不情竟把琳宮掣

寒山僧舍俱爲蛟壤

遂使名勝區一朝付殘缺茫茫諸神仙禍幾遭頂滅

腰脚縱自負登陟終防疲山麓得蘭若小憩花影移一甌

泛苦茗聊藉清詩脾羣峯如戀我猶復探頭窺老衲有閒
福對佛惟吟詩我亦願住此山水長相隨佛似笑而拒此
念姑遲遲

松陰十里寒晴空修徑如蛇曲曲通俯視萬峯環脚底纔知身在白雲中

遊復園

綠樹檐端合青山屋角分地寬都種竹亭小不藏雲日暖花爭艷風香草自薰梅柳詩稿好閒與剔苔紋

靈巖卽景

湖水無邊白山花着意紅馬蹄淹客路鳥語洽春風野樹遙連隊晴巒陡插空青蒼攔不盡都入混茫中

東周邠雨丈

醉鄉敢說興闌珊風雨差欣掩竹關容易書生遭白眼顧隨隱士買青山陳平自幼能排難潘岳而今未許閒漫託

窮途愁蠻屈儘誇澤物到人寰

張藹堂丈邀賞牡丹

無須百寶作關子翠帳低圍瑪瑙盤絕勝買將顏色畫還期留與子孫看夢中綵筆傳新句座上金樽續舊歡此亦瑤臺仙世界欲題詩幅正愁難

循陔草堂落成詩以志喜

舊屬平原宅

屋係陸氏舊居

新來結草廬買山粗了願插架幸留

書庭院清如許軒窗靜有餘塵氛差喜滌儘可約樵漁

北鄉樓憑改南茶戶特開堂留前主額

額樣華書屋仍其舊屐印舊

時苔偃翠還栽竹蒸香正孕梅憐他雙燕子賀我也頻來室僅堪容膝牆休笑及肩林花紅刺眼潭樹碧參天石氣

仍含秀波光益助鮮鐘聲知近寺如警五更眠去大德寺僅數弓地
名取笙詩義承歡易我師額爲朱甲三太守師所題畧營韓子屋敢比
習家池雅集聯今雨閒懷寄小詩天倫原樂事况又日遲

贈楊子于 鈞卽送之官江右

能爲佳士必良吏讀書豈博求官地經濟槃槃非偶然肯
教孤負澄淵志咄哉世祇矜才華翩翩自詡凌雲器詩書
但有糟魄存何曾領畧前人意無怪將身涉仕途拘牽翻
爲蒼生累又或自詫精明材行事頗與簡編異私心徒逞
誇聰強無形桎梏民難避此皆夙昧眞權衡可憐妄把牛
刀試我生幸識楊關西茹古涵今無弗備巍科豈足爲君

榮長材民社尤堪寄蟹筐蠶績爭前賢譽頌神君自易易
豫章况集古名流似君聲氣原同類願君更法陽亢宗任
拙催科勤撫字縱教加以強項名已與龔黃堪把臂

柬李春洲

故人家住吳淞曲泛似閒鷗少拘束敢說生涯一事無烟
波常裏衣衫綠好在從來不識愁此身以外惟扁舟乾坤
憑爾多翻覆蹤踪從容總自由慨我名韁兼利鎖塵網紛
擾無一可難許攬身雲水鄉徒從鏡裏參因果感君飄灑
贈君詩醉墨研來愧不辭何年引我桃源去倩爾漁郎作
導師

題顧仁夫四時觴詠圖

酒地花天結客場風流堪接玉山堂儘教佳景時時換自
有閒懷各抵償

飛觴刻燭儘盤桓清福修來似此難總爲林泉忙不了惹
他魚鳥也增歡

槎溪春望

水漲三篙碧林遮十里紅雲籠花徑外春濃酒帘中塔影
沉于燕橋痕偃似虹看山何處好扶杖羨鄰翁

峻岩招飲於七佛閣

破寂憑澣酒敲詩借佛燈石頑森似默松古健手僧雅集
原同調清談亦上乘青山應笑我無此筆峻嶒

續同東墅夜話

春來最易觸愁根往事從頭仔細論
劫外鶯花傷杜牧眼
中人物笑桓溫江湖難許尋詩夢
風雨猶堪數酒痕隨意
杯盤知未俗爲邀明月不關門

苦雨擬杜少陵

未到熟梅天積陰已旬日迨逢時雨行溼潦更泛溢瀑布
疑翻空江洳欲沒膝沉竈產蛙危幾與晉陽匹攢雲低壓
檐不放金烏出年年苦偏災處處急惄惄今更恣汪洋天
心不可詰朝曠偶露光旋已遮護密誰能補漏天愧乏媿
皇術雨師太弄奇苔花繡入室時驟炬炳傾安冀田禾苗
哀哀中澤鴻生計竟難必思繪流民圖孰具監門筆陰陽
變運功終須仗丙吉

和作

李之萼

閒歲及今茲百六十餘日見曬不數旬簷流慣如溢
吾鄉地圃窶尙苦泥濘膝頗聞汙邪區所插秧全失
涸復未知期秋賦從何出人情徧騷然顏亦不遑恤
嘯呼擾殷戶官莫能深詰塗飾耳目間始示計周密
斷屑及平糶此外無他術我無寸田憂亦自歎于室
壁庭當篆看階蘿如芝苗時或漏林曛晴卒無可必
表奏通天臺憤來欲奮筆聖人豈予欺卦象告元吉

占得火山旅交
小暑似可晴

循陔草堂卽景

萬竹如雲綠到廊扶疏况繞木千章無煩急雨驅殘暑自

有清風送嫩涼長日端宜文字飲閒情易觸芰荷香北山
猿鶴休相笑肯爲槐花枉自忙

時有友人邀余赴秋試者

夜泊次峻岩見贈韻

共酌一尊酒扁舟心自寬潮聲擣岸急露氣浸窗寒纖月
窺林隙嚴更逼夜闌好依漁舍宿詩夢稅江灘

棣華書屋爲陸大令慢亭先生

廷燦故宅余旣葺而

新之仍以原名用示不忘先達云

偶作三槎客無須百尺樓庭寬添爽慢院靜覺清幽細雨
催輕靄新涼送早秋一亭深竹裏蒼翠接雲流

籬結思栽菊池通好種魚婦知藏斗酒童解摘園蔬豈有
凌雲筆偏多插架書不煩猿鶴笑夢已到樵漁

槎溪曾慶林事余有年頗解吟咏東壁見而賞之寵

以三詩寄示屬和因用其韻

忽驚賞識到風塵爲愛詩篇寄意新婉我身非蕭穎士箇中偏有可憐人

蠻箋竟荷寵新詞難得多情杜牧之消受憐才眞意思可容磨墨拜爲師

任繡平原五色絲雅懷相感本無涯敢誇我有東風力桃李眞能替主持

原作并序

張修府

道光己酉夏叔堯邵郎招飲於循陔草堂得閱曾春生自娛草風格清雋入彀處雅近許丁卯楊茂才肖

英勸令從晚唐入手真是知言。僕候蟲自吟仙蠹不
化名韁偶絆詩夢都拋行將假滿北征京洛之塵汙
人渭城之歌罷喟不意茫茫人海見此清才錄艷評
香校讀竟日輒題三截句以志心賞質之叔夔當不
以鄙言爲河漢也

仙骨香心艷絕塵芙蓉初日寫清新金針細檢鶯鶯
譜丁卯橋邊有替人

蘭子香初絕妙詞李林風調兩兼之騷壇佳話分明
記誰是長蘆舊釣師朱竹垞先生明詩綜錄林汝元
李英李結等六人詩靜志居詩

話又載鄭蘭子陳香初陳竹逸句

塗抹頻年感鬢絲磨驢蹠迹又天涯愛才寄語漁洋

老鐵網紅珊瑚護持

七夕詞和張秋浦韻

纖雲掃盡愁無迹月挂桐陰自流碧碧海青天萬種情閒
懷又觸支機石爭傳故事曝衣樓瓜果庭前餉女牛四壁
鳴蟲訴何語笛聲涼入萬家秋長生殿上當年事只有嬌
娥知此意珠網同心暗結成相思肯向璇闈寄乞得天孫
巧幾何雙星猶盼夜深過幾生修到汾陽福親見雲輶駐
絳河

七夕小酌和肖英韻

新月纖纖直射筵今宵端合迓神仙簾前酒氣蒸紅燭雲
外風聲戰翠烟兒女情多難免累功名心淡且隨緣暗用郭令

事公故七襄自有才人筆錦段無須乞九天

原作

楊煙

杯盤剛喜趁瓜筵恨不雙星化酒仙花繞庭階癡欲語月籠樓閣淡成烟品高妙帶山林氣情重無過筆墨緣今夕傾樽真快意醉扶殘夢到瑤天

海會寺

入室千竿竹開門萬頃田雲依幢影靜風飈磬聲圓古佛渾無語秋花劇可憐掃除湖海氣儘許証枯禪

僧寮卽事

秋光偏似避禪關尙覺炎威未肯刪老樹陰濃孤鳥戀虛堂晝靜一僧閒頹垣和石理芳草叢竹連雲擁遠山四面

稍花平野濶詩情都付夕陽間

宿雨花堂同丈丈靜洲沈君竹卿

一釣新月樹頭明寂寂禪堂露氣清歸夢不難飛浦過吟懷容易爲秋生蚊帳花般如雷陣蟲沸籬根似雨聲正苦塵囂無處避幸來初地訂詩盟

同喬雪山王牧甫晚眺

野色浮千里蟲音匝樹根潮流雲外浦月上水邊邨燈火分漁艇涼飈滿寺門溪光明似鏡倒浸幾星痕

題團扇美人

東風吹暖艷陽天香引魚苗到水邊剛值紅欄閒倚處癡懷又被柳絲牽

贈楊吉雲

彙征

倦入青雲息羽翰且將棋局冷中看更無車馬擁清夢別
仗琴書結古歡與世周旋良不易得人賞識本來難從今
落拓真何礙儘爲嵇康禮數寬

寄鍾子良

怕見關關月離愁海樣深鷗閒偏有夢鶴翥亦何心酒國
誰知已詩壇孰賞音秋風防太酷休讓二毛侵

感賦同竹卿作

續命無湯可奈何哀鴻滿眼慘江河勸貴勝托沿門鉢積
忌偏深入室戎未必身皆更事久敢誇功已活人多與君
忍效模棱習肯學尋常愛涅磨

庚癸聲還絡繹呼輸金頻下縣官符救荒賴有真循吏
利難禁賤丈夫冷眼相看原可笑熱腸猶在未容誣那辭
局外紛綸議祇嫌蒼生滴得無

蘭言室即景

愛讀閒居賦經初掩竹扉雨添琴韻潤秋入豆花肥苔蘚
新鋪碧楓林盡賜紺讀書無一事妄念息非非

送馬紳齋軼羣之邗江

驀放木蘭舟詩材任意搜夢拋京口驛吟到廣陵秋花月
供閒賞江山佐壯遊潮聲雄似昔淘盡客中愁

延秋社詩課分詠

朝廷早定偏安局名將難誇殺賊雄束手竟甘三字獄平

心誰諒十年功憑將碧血留青史剩有南枝吼北風從古長城皆自壞西湖埋骨恨無窮

岳鄂王

不許沙場建戰功騎驢從此老英雄空勞鐵綆沉千艘

世忠

與兀尤相持黃天蕩豫以鐵綆貫大鈎授壯士及敵所至分道出其背每綆一綴則拽一舟沉之誰恤青

衣辱兩宮同命有人親執鼓殺身無益早藏弓將軍熱血真孤負消盡清涼二字中

韓斷玉

東李後藏卽題其社韻詩草後

不媿青蓮裔年年費苦吟都成才子筆偏冷宦場心品似烟雲潔書磨歲月深終期爲世用休負此甘霖

賀米載詩圖爲曹海林丈題卽用原韻

豈因尊榮感秋風至性高懷爾未窮宦味早如彭澤淡綵

衣還與老萊同，敢誇百里程。途遠自有千篇醞，釀工孝子才人都不媿。問誰能仿此圖中。

蔣海珊員外招飲南園

亞觴踐約未應遲，尚有荷香馥滿池。聽雨儘澆名士酒，翦燈還讀寓公詩。秋聲偏慣敲桐葉，古蹟憑教譜竹枝。醉後雄心難自掩，同抽寶劍訂相知。

臥病槎東別墅詩以遣悶

漸怯新涼易，中人披衣珍重苦。吟身轉躋病裏通方拔藥草，精華辨器真。

鎮日雕窗面面開，綠陰涼欲浸樓臺。呼僮牢押湘簾住，還恐對娘梢地來。

戒飲翻疑悟昨非公榮何礙我同譏祇慙秋興真孤負稍
蟹今年分外肥

扶牀漸覺可支持習靜憑將過客辭因病得閒良不惡成句

藥爐香裏且吟詩

病愈寄龜季平弟

書來屢訊病如何豈止閒懷負碧蘿三徑徒憐花寂寞一
秋都付藥消磨光陰眞覺蹉跎甚髀肉難禁感慨多猶幸
牀頭逃二豎仍容詩句細吟哦

題畫

縛箇茅亭在山麓萬竿排作碧雲橫開來領畧秋滋味淘

得詩心分外清

東吳鑄生 鴻銘

兩鬢霜痕任不情難禁意氣自縱橫本來豪士皆能飲特
恐今人不好名妙墨君真傾逸少艷才我轉婉蘭成澁
熱血何從洒但覺拋書感慨并

高張問秋丈

森森班管鬱奇香秀出江東翰墨揚書譜愛摹黃魯直將
星能識郭汾陽詩噴珠玉才如錦身鍊風塵靉有霜放眼
總憐同調少不堪把酒感蒼茫

柳如是像余已題之屢矣秋浦又以絹本所摹者索
詩書此應之

那煩泥絮怨東風俠骨柔腸孰許同轉爲美人名太重絳

雲羞得可憐紅

曾經拂水舊山莊遺恨難禁弔夕陽不幸名流偏壽承甘
將千古讓紅妝

同肖英登志遠樓晚眺

敢比元龍高百尺豪情也覺歷滄洲重重樹色濃遙畫落
落詩懷淡入秋斜照低攬虹影墜晚雲透帶雁聲流披襟
領取涼滋味亂竹迎風正點頭

和作

楊 煉

巍樓合配詩仙住勝境還應抵十洲風景何人堪着
筆襟懷高士最宜秋遙山瞰客青如綠老樹攏雲碧
欲流記取王郎僅苟在聲名端不媿龍頭

秋日口占

竹裏柴門鎖。日羶秋光。暖次到閒庭。酒無客。送思浮。自詩惹人看。想殺青。但懷匡時。良策少。漸知醫病古方靈。盈虛早悟尋常理。何待南華一卷經。

同吟香丈楚檮鷗客允之小酌

小雨初過後。聊同秉燭遊。酒盃深夜月。風助滿庭秋。花氣猶薰座。鐘聲欲撼樓。居鄰大德寺詩懷蓬勃甚。惟有醉堪酬。

棣華書屋

小舫沿波接草堂。依稀風景鄭公鄉。三升未醒昨宵酒。一雨新添今日涼。綠閃池邊荷葉大。碧屯門外稻花香。耽閒但覺村居好。不待敲詩興也長。

續秋夕舟中書懷

青負江邊月蓬窗滅燭看風篩蟲語細雲裏雁聲寒晚筆
詩初就傾杯酒已殘今宵歸夢阻都被亂峯攔

東肖英

袖得凌雲筆一枝豈宜閒過少年時每因夜雨留吟伴最
易秋風感鶯絲薄俗何知傳世好名山漸悔讀書遲相逢
總覺多情甚滿酌清樽細說詩

題紅豆圖

笑指蘿蕪舊夢痕愁根畢竟靈根幾時化作鴛鴦去願
祝東風酒一樽

秋聞報罷

埋頭困煞幾英雄抵得禪門而壁功科第本來關福命文
章原不繫窮通過時雞肋猶堪憐新樣蛾眉豈未工畢竟
何人忘結習可憐羨慕西風

竹深處小坐

日對千竿竹詩心分外清幽花環檻媚新月射窗明酒國
憑人醉書田媿筆耕疏慵今已慣何物是浮名

村居卽景

小築軒名湛月新營舫署沿波萬首詩情不少四時佳趣
良多

屋後竹排萬個牆邊花種十弓儘許嘯歌自適不知心性
誰同

閒或招人飲酒偶然與客彈棋任爾不衫不履無非讀畫
讀詩

抗志羲皇以上寄懷濠濮之間豈必社聯北郭何妨菊采
南山

庭有三百年樹架藏五千卷書摩詰儘堪獨坐淵明自愛
吾廬

有句且酬明月閉門即是深山安敢比於高蹈最難得者
清閒

小坐牕

華屋同淡泉丈茶話

未許青山訪六朝且憑詩筆寫清寥酒因久戒無心戀絃
爲疏彈費手調落指胸懷仍不減飛揚神色媿難銷一邱

一壑粗償願况有羊求不待招

題鍾訪梅仕女

鬢影頽雲玉手荷不拈紅豆也相思傷春傷別情何限愁煞江前杜牧之

香夢零星不可尋梨花院落晝沉沉美人心事才人淚兩地東風一樣心

題陸星嚴所畫神龍圖

元氣淋漓欲飛舞騰雲直逼天尺五願教墨汁滿鱗塗噴向人間作霖雨

卽事

積潦如何尙沒田淒涼幾處斷炊烟冬心猶未逢三九米

言之有二集
卷之三
七
價俄傳到七千地有仁人終是福家多巧婦亦堪憐侏儒
方朔休相謔一樣銳腸默默煎

水災紀事

猝被陽侯禍都遭澤國災驚心防鹿鋌盈耳慘鴻哀波浪
沿街湧魚蝦匝地來堪憐民命蹙刦運陡然開

雨陣無時歇淒涼不可聽雲堆擔角黑水截樹頭青戶外
閒浮艇牆邊亂貼萍晉陽當日阨彷彿此時形

民力東南敝難誇富蓋藏誰知多歉歲偏又值奇殃莫慰
祈年想曾無辟穀方雨師如自悔應也恤倉皇

賑撫籌人事尤勞歎息深洪流翻地脈酷罰痛天心徒切
羣生感空將妙策尋挽回誰有術變爾作甘霖

書賈丈雲階荒賑謠後

救荒無善策古曾議及此非洪與湯旱未聞民餓死所費籌平時備豫有可恃自漢常平廢賚患久不止金華社倉記弊亦陳朱子今但存其名畫餅徒滿紙一遇災荒來袖手惟相視周官保富條立意有深旨元氣藏于民卽以衛鄉里無已議捐輸於理未應嘗所慮立法疏弊卽從此起立法意云何其權不在官卽以各戶捐使博鄉里歡都鄙劃然判量力拯飢寒既無利掠慮又免溝瘠酸更恐倉廩匱掣肘多所難計往施青蚨俾自謀一餐不濫亦不擾彼此心尤安稽戶責諸董豈類環無端章程似此設或可紓凋殘

其次救民飢良策莫如粥師法林中丞

少穆先生

藉以果枵腹

隨處設肆來免其遠奔逐玉粒泛滿甌器盈價則縮不受

施濟名彼已陰享福鳩形鵠面人何嫌竟塞屋且虞財不

充恃久力難足派道淤正多挑濬功可督使彼所得貲已

堪謀菽粟不但王代賑水利效尤速此法信堪行何事愁

跼促

傷哉今歲荒奇災實罕有雨師太遙威幾同澤國守洪波
捲地來魚鼈燒葵走禾苗不見杉樹木惟探首嗟此蚩蚩
氓哀聲不離口夫憲雖難知何忍竟縮手勉各盡厥心豈
慮事擎肘坐是日與事參議諸公後但頤民氣蘇遭恤人

言答

讀君荒賑謠使我欲涕漣利弊如指掌總爲民堪憐人心
奈不古義利途分懸實心固不少黠者豈盡捐借此市威
福遂爲漁利權凡事必有弊自昔爲已然彼但知肥已豈
計蒼蒼天茲且勿深諭爾我姑周旋惟期事有濟夜亦能
安眠留君此詩稿當作芻蕘宣

題張秋浦詩後

都麗天開錦繡場雲屯霧集久名揚無端欲流繁華景頓
把紅塵幻冰鄉

寂寂却烟樹影孤蕭條井竈不堪摹可憐費盡酸心筆抵
得流民一幅圖

題吳雲岩花卉冊

別倚西風試淡妝何曾知有世炎涼自從靖節先生後贏得
淒離典亦香

菊花

嬌容似此彷彿應難抵得天香國色看不媿對爲花命婦端宜金屋享羅紝

海棠

哭鍾子良

惡耗傳詠墨亦酸淚痕洒徧朔風寒音容斷絕成千古書劍瓢零剩一相他日卒懷難委約老親猶作別離看省園風月彈如夢重檢遺文痛肺肝

遙遙空自勸人琴難忘書堂氣誼深一第豈酬聞達願九原堪証死生心天如有憲來施厄我更無端失賞音酒縉詩盟緣竟淺但容寢想夢中尋

與少榦夜話

挑盡疏燈擁鼻吟重裘不礙峭寒侵月隨潮信三更上愁
與湖波一樣深失馬木無求福念亡羊容有補牢心從教
悟微升沉理何用癡懷覓賞音

校子良遺詩

招得吟魂繞短檠秋風都化斷腸聲窮愁滋味張平子生
死交情范巨卿謂惺甫少尹一第功名消富貴十年塵土悔聰
明可憐嘔盡心頭血只博修文地下名

青浦道中

趁着西風勁蒲帆挂日邊青山雲外路黃葉畫中禪遠水
穿三泖斜陽護一船煙波良足樂何用學飛仙

章練塘

一棹隨潮去湖流幾處分市聲喧過岸山色淡揭雲蒙氣
消鷗夢歸心逐雁羣當年數遺逸皮陸策詩勦

平樾峯明府邀同靜洲丈竹卿赴鄉勸捐施賑

產蛙沉竈勢綿綿苦雨空暮老杜篇束手堪傷羣命酷勞
心終仗長官賢境成滄海天何意力挽瘡痍富有權滿目
荒涼增感歎難辭宵晝百憂煎

紆籌幾度費沉吟慷慨休言不易尋幸藉大裘千丈願聊
償廣廈萬間心終疑澤遠流亡少遑敢功誇贊畫深成事
因人吾轉愧和衷總爲仗苔岑

春水草堂小酌柬同坐諸君

生涯酒國可同春儘許杯盤草草陳綠髮愧消閒歲月寄
杉難洗舊風塵憑教挑葉傳佳話好替梅花作主人莫帳
殘年容易逼韶華轉眼又更新

時坐客有新納姬者